



Anna Wangenheim
Demokraatit sinnerlugit Inatsisartunut ilaasortaq

§ 37 naapertorlugu apeqquut nr. 19/2020-mut akissut

27-02-2020
Sags nr. 2020 - 2464
Akt nr. 12961288

- 1) **§37 naapertorlugu apeqquummut 365-2019-imut akissuteqaammi ersippoq taartaasartunik atuinnermut aningaasartuutit 2018-imi kr. 51.323.629-niit 2019-imi kr. 36.691.933-nut appariarsimasut. Naalakkersuisut sipaaruteqarsimaneq iluatsilluarnertut isigaat?**

Postboks 1160
Tlf: 34 50 00
Fax: 34 55 05
3900 Nuuk

Email: pn@nanog.gl
www.naalakkersuisut.gl

Akissut:

Taartaasartunik atuinnermut aningaasartuutit ukiunut siusinnerusunut sanilliullugu 2019-imi annikillisinneqarnerat Naalakkersuisunit naammagisimaarneqarpoq.

- 2) **Allannguallaatit ersersinniarlugit Naalakkersuisut akissutaanni sulisunut atorfilinnut sipaarutit qanoq isumaqarsimanersut paaserusuppakka. Akissummut tassunga ukiut 2016, 2017, 2018, 2019-ilu paasisaqarfigerusuppakka:**

Taartaasartunik 2018-imi atuinerup annikillinera apeqquummi pineqarpat tamatumunnga akissut tassaavoq atorfinitsitsinerit ikileriannimmata, taamaattorli peqqinnissaqarfimmi sulisut isumaqatigiissutitigut atugassarititaasut naapertorlugit atorfinitsinneqartarnerat annertunerulersimavoq.

2a) - SHV-mi napparsimalluni sulinngitsoortarnerit

Akissut:

Peqqinnissaqarfimmi sulisut piffissap suliffigisartagaasa maanna nalunaarsorneqartarnerannut periutsit atorlugit napparsimanagerit pillugit paasissutissiisoqarsinnaanngitsoq Peqqinnissaqarfimmit paasissutissiisutigineqarpoq.

Paasissutissiisutigineqarsinnaavoq peqqinnissaqarfimmi ilaatigut isumaginninnikkut oqaloqatiginninnerit aammalu upalungaarsimasut suliffissaasa naleqqussarneqartarnerata annikillisarneqarnissaa qullersanit aallunneqarmat.

- 2b) - **ukiuni taakkunanni nakorsatut peqqissaasutullu suliffiit qassit sulisussaqaartinneqarsimannginnerisut. (Sivikitsumik sivisunermilluunniit taartaasimasut kisitsisini uani ilanngunneqassanngillat, tassa qassit atorfilittaansut kisitsisini ilumoortuunerisut takorusullugit)**

Akissut:

Atorfiit inuttaqanngitsut piffissami sivikitsuinnarmi atorfeqartinneqartartunit inuttaqartarmata inuttaqartinniarneqartarmatalu aallaavittut isigalugu peqqinnissaqarfimmi atorfiit tamarmik inuttaqarput.

Peqqinnissaqarfimmi peqqissutsimik suliaqartut peqqissutsikkut sulisutut aalajangersimasumik atorfininniaaraangamik sivikinnerpaamik ukiumi ataatsimi atorfeqarsimasariaqartarput. Maannakkorpiaq paasissutissiissutigineqarsinnaavoq nakorsatut peqqissaasutullu atorfillit amerlassusilerneqarnerat imaammat:

- nakorsatut atorfiit 100-t missaat inuttaqarput, taakkunanit 30-t missaat nakorsatut aalajangersimasumik atorfeqarlutik.

- peqqissaasutut atorfiit 300-t missaat, taakkunanit peqqissaasut 140-t missaat aalajangersimasumik atorfeqarlutik.

2c) - overtime-qarnermi aningaasartuutit, ulluni sulinngiffeqarnerni annaasaqarnerit, aningaasartuutillu allat isumaqatigiissutaasumit sulisut 40 tiimit sinnerlugit sulisarneranni toqqaannartumik attuumassuteqartut.

Akissut:

Tabelimi matuma kingulianiittumi takutinneqarput sulinerunermut atatillugu akissarsianut, ullunik sulinngiffissanik annaasaqarnernut aningaasartuutinut kiisalu sapaatip akunneranut 40 tiimit sinnerlugit sulisarnermut aningaasartuutinut allanut takussutissiaq.

Sum af Beløb		2016	2017	2018	2019
Lønart	Artstekst				
1002	BETALT AFSPADSERING	272.442	183.654	230.716	132.345
1004	BETALT FRIHED	300.053	272.210	298.830	354.609
1012	OVERTIMER	3.511.042	3.479.956	4.350.232	4.482.732
1044	O/U-FOND FRA OVERTID	10.481	11.125	11.668	11.628
1047	O/U-FOND FRA OVERTID	2.006	1.569	1.664	1.295
1050	NEGATIV OVERTID	- 2.340.652	- 2.319.916	- 2.900.091	- 2.988.435
1051	NEGATIV OVERTID	- 2.247	- 3.617	- 3.172	- 10.902
3016	OVERTIDSBETALING - STI	29.729	25.294	53.614	21.698
4068	OMLAGTE TIMER PPK	246.564	212.712	269.610	239.509
4069	OMLAGTE TIMER §7 stk. 3	39.869	65.536	61.943	50.880
5362	UDBET.AF ERSTATNINGSFRIDG	1.514.817	3.588.935	3.713.306	3.766.324
6520	OVERTIDSBETALING	10.247.597	10.570.864	11.317.148	11.303.863
6521	OVERTIDSBETALING SATS II	607.940	543.936	697.913	445.666
6538	FOR MEGET AFSP. OVERTID	- 1.298		- 1.668	- 5.195
6540	MISTEDE FRIDAGE	4.799.427	5.048.838	5.374.921	5.631.750
Hovedtotal		19.237.770	21.681.097	23.476.633	23.437.769

2d) - piffissami tassani sulilernermi suliunnaarnermilu angalanermut aningaasat qanoq amerlatigisut atorneqarsimappat??

Akissut:

Skemami matuma kingulianiittumi takutinneqarpoq atorfinittunut atorfeqarunnaartunullu ukiumut aningaasat qanoq amerlatigsut atorfeqartarnersut.

Atorfinittunut atorfeqarunnaartunut ukiumut aningaasat atorfeqartartut	Aningaasat mio. kr.-inngorlugit
2016	14,587
2017	14,562
2018	19,576
2019	16,104

3) Qanga kingullermik MTU-liortoqarsimava (Medarbejdertilfredshed-undersøgelse), taannalu qanoq inerreqarsimava??

Akissut:

Peqqinnissaqarfimmi sulisunik kingullermik misissuineq 2016-imi (MTU) ingerlanneqarmat aammalu akissuteqartut procentiat 16,3 %-iummat Naalakkersuisunit paasissutissiissutigineqarsinnaavoq.

Paasissutissiissutigineqarsinnaavoq MTU inatsisitigut piumasaqaataangimmat, taa-maattorli suliffeqarfimmi naliliinissaq (APV) inatsisitigut pisussaaffiummat. APV kingulleq 2017-imi ingerlanneqarpoq aammalu 2020-mi APV-mik nutaamik ingerlatsisoqarnissaa naatsorsuutigineqarluni. MTU-mik nutaamik misissuinissaq pillugu aalajangernissami ilaatigut 2020-mi APV-mik nutaamik misissuineri akissuteqartut procentiat utaqqimaarneqarpoq.

4) Hvilke Ittoqqortoormiuni Paamiunilu piffissami sivilisuumik nakorsaqartitsisinnaasimanginneq qanoq kinguneqarsimava?

Akissut:

Paamiuni Ittoqqortoormiunilu nakorsanik sulisussarsiortarnermi unammilligassat kingunerisaannik peqqissaasutut atorfiit allannguuteqarput. Ittoqqortoormiuni maanna peqqissaasoq ataasiinnaagani peqqissaasut marluupput aammalu Paamiuni peqqissaasut pingasuusimagaluarlutik maanna sisamaallutik. Illoqarfinni taakkunani marlunni nakorsatut atorfiit suli inuttassarsiorneqartuarnissaat Naalakkersuisunit eqqumaffiginiarneqarpoq.

5) Naalakkersuisut peqqinnissaqarfimmi sulisoqaannarniarneq siuarsarniarlugu sulineri avatangiisit misissornissaanut soqutiginnippat, aammalu Naalakkersuisut peqqinnissaqarfiup aqutsisuisa sulisussarsiortarnermut sulisoqaannarniarnermullu iliuusissatut pilersaarutaat malinnissaanut suliniuteqarpat?

Akissut:

2020-mi peqqinnissaqarfimmi tamarmi APV-mik ingerlataqartoqartoq, tamatumalu kingorna immikkoortoqarfimmi aammalu MED-mik aqqissuussami angusat sulisutigineqassasut Peqqinnissaqarfimmit paasissutissiissutigineqarpoq.

Peqqinnissaqarfimmi sulisussarsiornermut sulisoqaannarniarnermullu iliuusissatut pilersaarummi angusat Naalakkersuisunit malinnaaffigineqarput.

6) DIH-mi atorfilittat aqutsisui suliassamut piginnaasai qanoq ippat, aammalu aningaasarsiaasanut missingersuutit qanoq annertutigisut atorneqarnissaat nalilerneqarsimappat?

Akissut:

Peqqinnissaqarfimmi atorfilittat aqutsisui arfiniliupput aqutsisuugallartorlu ataasiulluni. Atorfinnut tamanut atatillugu atorfimmu suliassanullu nassuiaatinik peqarpoq, taakkulu aqutsisut atorfeqarnerminni tunngavigaat, soorlutaaq atorfilittat aqutsisui malittarisassat atuuttut malillugit atorfinitsinneqarsimasut. Tassunga atatillugu atorfinitsitsisarnermi ataatsimiititaliat atorfilittanut aqutsisup atorfeqartinneqartup atorfiup ingerlassinnaaneranut pisariaqartumik piginnaaneqarnissaa piginnaassuseqarnissaalu isummerfigisarpaat.

Atorfilittat aqutsisui assersuutigalugu DJØF-ip isumaqatigiissutaa atuuttoq naapertorlugu akissarsiaqartinneqarput. Atorfilittat aqutsisuisa akissarsiaat ukiuni siusinnerusutulli DIN-ip missingersuutaani ilaatinneqarput.

7) §-37 apeqqummut 314/2019-imut akissummi aamma eqqaaneqarsimasoq sulisussanit nunanit allaneersunit sulisussa qarfiit misissornissaat periarfissarsiorneqarnissamullu paasiniaanissaq sumut killippa?

Akissut:

Naalakkersuisunit oqaaatigineqarsinnaavoq ukioqqortussutsimut kisialu peqqinnissakkut sulianik ilinniartitaanerni ilinniartut amerlassusiannut agguataaraluni sulisut katitigaa nerannik qulaajaanissamik suliakkiummut missingiuteqarmat. Tamatumani anguniarneqarluni ukiuni tulluuttuni 10-20-ni sulisussarsiornermi unammilligassat paasinianeqarnissaat. Taama qulaajaanissamut atatillugu ukiut 10-20-t qaangiunnissaanni sulisussarsiornermi periarfissat kiisalu sulisussanik nunanit allaneersunik atuisarnissap misissorneqarnissaa kissaatigineqarpoq. Peqqissutsimut ataatsimiititaliassap suliassanut aammalu ukiunut 20-nut tulluuttunut peqqissutsimik pilersaarusiornissamut misissueqqissaarnerit taakku marluk annertuumik ilapittuutaassapput.

Inussiarnersumik inuulluaqqusillunga


Martha Abelsen